

Matumuuna Inatsisartut suleriaasianni § 52 xx- Naalakkersuisumut tatiginninnginnermik Naleqqamiit saqqummiussivugut.

Inatsisartut inatsisaat nr. 6, 13. maj 1993-imeersoq Naalakkersuisut ilaasortaataitaasa akisussaaffiat pillugu erseqqippoq.

§ 6. Naalakkersuisut ilaasortaataitaat § 10 naapertorlugu pineqaatissinneqassaaq, pineqartoq piaaraluni imaluunniit mianersuaalliorujussuarneratigut ilaasortatut pisussaaffini, Inatsisartut pillugit Inatsisartut inatsisaat naapertorlugu imaluunniit inatsisiliorneq allatulluunniit imaluunniit atorfiup qanoq ittuunera naapertorlugu pisussaaffiit, eqquutinngippagit.

Imm. 2. Aalajangersagaq imm. 1-imiittoq assingusumik atorneqassaaq, Naalakkersuisut ilaasortaataitaat Inatsisartunut paasisutissanik eqqunngitsunik imaluunniit paatsiveerusimaarisunik tunniussippat imaluunniit Inatsisartuni suliap suliarineqarnerani paasisutissanik pingaarutilinnik, suliamik nalilersuinermit pingaaruteqartunik, isertuussippat.

Tungavilersuut

Naleraq Naalakkersuisunut ilaasortaq Aningaasaqarnermut Naalakkersuisoq tatigiunnaarlugu nalunaaruteqartariaqarpugut, isumaqaratta Aningaasaqarnermut Naalakkersuisup Inatsisartut sulinerat suusupagalugu aammalu Inatsisartut ilaasortanut pissusilulluni Naalakkersuisut ataqinnittuusussaananut pissusilersuutaa naapertuutinngilluinnarmat.

Immikkoortup 12 UPA2026-ip, tassa Soraarnerussutisiaqalernissamut aaqqissuussinermut peqataasussaataitaaneq pillugu Inatsisartut inatsisaata allanngortinneqarnera pillugu Inatsisartut inatsisaat siunnersuut suliarineqarnerani Naalakkersuisoq arlaleriarluni oqaatigaa Naleraq tungavilersuisimanngitsoq, isummanik saqqummiussisimanngitsoq aammalu ikinnerussuteqartut oqaaseqaataannik saqqummiussaqaarsimannginami isummersorsimanngitsoq nivinnngartaarniarsaralugu.

Tamana eqqunngilluinnarpoq. Inatsisartut nammineq allagaataanni aammalu suliarinninneranni ersarissumik takuneqarsinnaavoq Naleraq:

- UKA2025/72-imik aalajangiiffigisassatut siunnersuuteqarsimasoq Soraarnerussutisiaqarnissamut aaqqissuussinermut pinngitsoorani ilaanissaq pillugu Inatsisartut inatsisaata nr. 21, 28. november 2016-imeersup atorunnaarsinneqarnissaa pillugu siunnersuummik, kingusinnerpaamik UKA2026-mi, saqqummiussinissamut Naalakkersuisut peqquneqarnissaannik

- Inatsisartut aalajangiiffigisassaattut siunnersuut, siullermeerneqarnerani peqataalluarluni qulequtaasumut isummersorsimammat.

- ersarissunik politikkikkut paatsuugassaangisunik isummersuutininik saqqummiussuivugut siullermeernerani.

- kiisalu FM2026/12-ip aappassaaneerneqarnerani oqaaseqartartut ersarissumik saqqummiussaqaarpugut paatsuugssaangitsumik isummerluta.

Tamatuma saniatigut immikkoortoq 12 suliarinerani Naleraq nammineq siunnersuutaanut, tassa pinngitsoorani pinngitsaalisamik katersiussaataitaalluni ileqqaartitsinerup atorunnaarsinneqarnissaanut saqqummiussaqaarpugut kiisalu Atassutip apeqquteqaat tunngavigalugu oqallinnissamik siunnersuutaannut aaqqissuussinerup kingunerisai pillugit sammisumik ataatsimoortumik saqqummiussarpoq.

Isummersornerput ersareertigisoq Naalakkersuisoq taamaattoq puusaarutigalugu illuatungiliuttut isummersorratik saqqummiunneqarnissaat ima isumaqarfigineqarsinnaavoq:

- Inatsisartut suliarinninnerannik ilisimasaqarani soqutigittaalluni malinnaasimannginenq
- Inatsisartut sulinerannik suliaanut suusupaginnilluni ataqqinninnginneq takutinneqarpoq suliat takunngitsuusaarlugit allaat suliaqanginnerarlugit nivinngarniaraluarlugit pissusilunnerulluni
- imaluunniit illuatungiliuttut suliaqannginenrarlugit isummersimannginnerarlugit ajornerpaamik saqqummiunneqarnissaat siunertaralugu ataatsimiittarfimmi eqqunngitsumik oqaluttuarineqarnissaat pileraluarmagu assiliaq eqqunngitsoq saqqummiunnialeraluarlugu.

Periusaariaraluartut ileqqulernerit tamaasa akuersaarneqarsinnaanngillat. Naalakkersuisunut ilaasortaq Inatsisartut oqaluttarfianni qaqeqqanermini allatuulli pisussaffeqarpoq Inatsisartut eqqortumik aammalu ilumoorfigalugit paasissutissinneqarnissaat immikkut akisussaaffigaa. Tamanna Inatsisartut inatsisaanni nr. 6-imi ulloq 13. maj 1993-imeersumi Naalakkersuisut ilaasortat akisussaaffiat pillugu § 6 stk. 2-mi ersarissumik allassimavoq, tassani aalajangersarneqarmat Naalakkersuisut ilaasortaat Inatsisartut pillugit eqqunngitsunik imaluunniit paasissutissanik naapertuutinngitsunik saqqummiussipat akisussaatinneqarsinnaasoq.

Tatiginnikkunnaarneq taamaalilluni soraarnerussutisianut aaqqissuussinermut taamaallaat tunnganngilaq.

Tatiginnikkunnaarneq Naalakkersuisup Inatsisartut oqallinnerannik aqutsineranut pissusilunneranullu tunngavoq. Tatiginnikkunnaarneq illuatungiliuttunut ataqqinnittussaannermt tunngavoq,

Naalakkersuisoq Inatsisartunut tamanut Naalakkersuisuusammaat Tatiginnikkunnaarneq Inatsisartunut suliat saqqummiussukat eqqortumik suliaassusaanerat aalajangiinernullu tunngavigisaasa ataqqineqarnissaanut tunngavoq.

Aammalu tatiginnikkunnaarneq Naalakkersuisup tatiginartuusariaqarneranut tunngasuuvoq.

Demokratiimi politikikkut isumaqatigiinngittoqartarsinnaavoq. Kisianni Inatsisartut sulinerat allangortillugu oqaluttuarineqarsinnaanngilaq imaluunniit illuatungiliuttut isummaminnik saqqummiussisimannngitsut oqaatigineqarsinnaanngilaq, naak tamanna ataatsimiititaliat isumaliutissiissutaani, oqaluuserisassani aammalu oqaaseqartartut saqqummiussineranni ersarissumik takuneqarsinnaagaluartoq. Illuatungiliuttut isummereernikuupput paatsugassaannngitsumik.

Taanna immikkut ilungersunartuuvoq akuersaarneqarsinnaanani Naalakkersuisup tunngavilersuutigangaamiuk illuatungiliuttuniit isornartorsiunerit saqqummiunneqartut akissuteqarfiginagit. Isornartorsiutit pillugit makku saqqummiunneqaraluartumata:

- pinngitsoorani pinngitsaalisamik ileqqaartitsineq atorunnaartariaqartaq,
- inuiaqatgiinni naligiinnginneq,

- aningaasarsiornikkut appasissumik isertitalinnut artukkiineq,
- aammalu qinersinermut qineqqusaarutit neriorsuutit eqquutinnginneri,

Naalakkersuisoq piaaraluni nivinngaaniarluni eqqunngitsumik saqqummiuseriaraluarpoq illuatungiliuttut nipaqaratik aammalu isumaqaratik tunngavilersuutissaqanngitsutut saqqummiuteroaraluarlugit. Tamanna eqqunngilaq taamaammallu eqqunngitsumik saqqummiuseriaraluarneq ilungersunartuuvoq akissuteqarsinnaaneq killeqalereernerani atinik taakkartuutitigaluni nivinngartuineriagalualarluni akissuteqarsinnaasoq killeqalereersoq.

Tamanna Inatsisartuni oqallinnermi Naalakkersuisup ataqqinartumik Inatsisartunut periuseriserissaarnerunngilaq. Naleraqallu naatsorsuutigaa:

- suliamut tunngasumik ingerlatsineq pitsaasumik tunngaveqarluni saqqummiussat ataqqinissai,
- eqqortumik paasissutissiineq ingerlanneqartarnissaa,
- Inatsisartunut ilaasortaanut assigiimmik ataqqinninneq pingaartinneqarnissaa,
- aammalu Inatsisartut sulinerannut ataqqinnilluni eqqortumik tunngavilersuuteqartoqarnissaa.

Tamakku Naalakkersuisunit oqaluttarfimmit eqqunngitsumik periuseqarluni saneqqunneqartillugit illuatungiliuttutut qisuariaateqarnissarput pisussaaffigaarput.

Taamaattumik Naleraq Aningaasaqarnermut Naalakkersuisumut tatiginnikkunnaarlugu nalunaaruteqarpoq.

Jens NapâtôK' Naleraq